

Wusyep tehei tikin wusyep sye

Abel – Kin talah Adam hindi Iv, topo e to kin Kein. Na eteke e wusyep tikin Kein sai nato tup e e nenge nal gah. *Mat 23.35, Luk 11.51, Hib 11.4, 12.24.*

Abraham – Kin yai ηendehei lenge miye tuweinge Israel. Yerkeime pe, Got ηaname Abraham ηaiye ka aηa e moi ambaran ende ηaiye ka orp. Pe ka tu e ηaiye moi ambaran tinge. Pe Abraham ηasande wusyep. Kin tahar nasme kantri kin pe, kin nal wohe sekete waha taibe taibe na tatame ηaiye kin ηeteke e kantri uku ηaiye tukwini tinge jalme Israel.

Got nupwai e kontrak ηendehei topo e Abraham ηaiye kin nalanatme Abraham top lenge ηambaih talah kin ηaiye ka bepeteme lenge ηaiye ka junde kin.

Abraham, tuwei kin Sara. Tinge hindi yukur yara e talah ende ya tatame ηaiye tinge hindi miyen muye. Kom Got ηende mirakel pe, Sara wara e talah miye ende. Tinge jalme naη kin Aisak. Nηupe ηaiye Aisak tahar miye bworenge pe, kin nenge tuwei, naη ti Rebeka. Nηup ende Rebeka ti wara e talah miye hoi, ηoinde tinge jalme Iso, kut ηoinde tinge jalme Jekop. Jekop, naη umbur kin Israel. Kin ilyeh uku pe, lenge Juta yamba e naη miye tuweinge Israel. Jekop nenge lahtuweinge hoi tikin Laban, naη tinge Lea hindi Resel, topo e kin plihe nenge tuwei wah hoi. Pe kin nara e lahmiye syepumbur umbur hoi (12) ηaiye tinge tahar mwan ka 12

lenge Israel. Naŋ tinge pe, tinge yainge sai nat Wusyep Nate Tas Halhale. (*Rev 7.4-8*) Lenge lahiye 12 uku pe, talah tinge wula wula sekete. Talah uku plihe yember talah wula wula nenge nat pe, tinge tahar miye tuweinge Israel wula wula sekete. Tinge lalme luku tahar ŋambaih talah tikin Abraham.

Adam – Kin miye ŋendehei ŋaiye **Got** ŋende. **Got nenge kekep** ŋende **kin**. **Adam kin** ŋendehei **topo e tuwei kin Iv**. **Pe tinge yengelyembe wusyep er**ŋeme **tikin Got pe, tinge yende hwap**. **Tahar** ŋup ŋendehei **uku nenge nate e e pe, lenge miye tuweinge yende hwap**. *Luk 3.38, Rom 5.14, 1Ko 15.22,45, 1Ti 2.13-14, Jud 14.*

Aisaia – Kin profet embere tikin Got. Teter ŋaiye **yukur Jisas nat kekep e e pe, Aisaia si** ŋanange **ŋai e ŋai e wula wula** ŋaiye **ka tus me Jisas**. *Mat 3.3, Apo 8.30, Rom 9.27-29.*

Aisak – Kin talah tikin Abraham hindi Sara. Naŋ tehei **Aisak pe, yesenet**. *Apo 7.8, Rom 9.7, Hib 11.9.*

Amba e pinip/ gihye e pinip – Nato Tup tikin Got ŋaiye **tinge yainge pe, Jon tikin Baptais gihye e pinip lenge miye tuweinge wula wula nal mih Jordan**. **Kin** ŋana **lenge nange ka yimbilme yusme pupwa** ŋoihmbwaip **tinge no, ka yamba e pinip** ŋaiye **ka sisyeme nange tinge si yimbilme** ŋoihmbwaip. **Lenge miye tuweinge** ŋaiye ŋoihmbwaip **tinge ten**eime **Jisas Kraiss no, tinge yamba e pinip pe, ki sasambe nange lenge miye tuweinge luku si tahar Kristen**.

Wusyep tehei ŋaiye yamba e pinip ki ta e le e:

a) Miye ŋaiye namba e pinip pe, kin si ŋanange

nowor e nember nal halhale hwap ηaiye kin ηende.

b) Jisas si ηupwai e wusyep ηaiye ka osme hwap lenge miye tuweinge gunde ηoihmbwaip tinge ηaiye tenjeime kin.

c) Kin de ka gunde Jisas Kraiss pe, ka isyunde wusyep kin.

Aposel – Nendehei Jisas nalan^{atme} jetalah 12 kin ηaiye ka yurp aposel kin. Lenge aposel luku pe, tinge yarp topo e kin pe, kin nangang lenge sande teke e. Nupe ηaiye Jisas nule mi e pe, ki plihe tahar pe, tinge yeteke e kin topo me ηembep tinge. Kin nember lenge miye ya yana lenge mitiη ηaimune ηaiye tinge si yeteke e, topo e tinge yanange wusyep bwore mise. Tinge tahar ta e miye embep titinge lenge miye tuweinge ηaiye ηoihmbwaip tinge tenjeime Jisas. Nato Tup Aposel pe, Pol hindi Banabas top lenge miye sye pe, tinge jal lenge aposel. Tinge miye ηaiye Jisas Kraiss nalan^{atme} tinge ηaiye ka yende wah kin. *Mat 10.1-4, Mak 9.13-19, Luk 6.12-16.*

Aron – Kin louwah titinge Livai pe, Livai kin talah 12 ende tikin Jekop. Aron miye endehei ηaiye tinge yalan^{atme} kin pris pe, Got si nalan^{atme} lenge louwah tikin Aron ηaiye ka yende wah tikin pris juh bumbumbe lenge Israel ηaiye tinge jal lenge Juta. *Luk 1.5, Apo 7.40, Hib 5.4, 7.11, 9.4.*

Aron kin tatai tikin Moses. Tinge hindi wah ilyeh nupe ηaiye lenge miye tuweinge tikin Israel yarp kantri Isip ta e ηaiye lenge miye wah pakaiye. Tinge hindi yal yer me lenge Israel

ņupe ņaiye tinge yasme Isip.

Ņup ende pe, miye tuweinge sye lenge Israel yende bwili e bwula e yengelyembe wusyep Moses hindi Aron pe, Got ņasamb lenge nal halhale ņaiye kin si nalanatme tinge hindi miye ondoh. Got ņana lenge ņaiye ka yahra e lou ilyeh ilyeh tongonose lenge miye ondoh lenge bamtihai 12 lenge Israel pe, ka yember yi yoto yokoh mele e yokoh sel tikin Got. Pe kin ņanange na, “Lou miye ņaiye ņam si malanātme ņaiye ka miye ondoh pe, lou minei se ka pwar ot.” Nyermbe hondonge pe, lou minei Aron pwar nat topo e yuhurnge nengei pe, ki teņei ņesep. Pe Got ņanange na, “Ņup uku nenge nal pe, lou kin Aron ka tihi guh wurmbu kontrak tikin Got tu e ņaiye wutu.” *Nam 17.1-10, Hib 9.4.*

Babilon – Ki moi embere sekete. Somoho somohonme pe, lenge miye tuweinge moi uku yarmbe topo e lenge Israel pe, tinge yengelyembe lenge Israel. Pe tinge yamba e tinge yember lenge ņaiye ka yende wah me tinge. Pe lenge Israel yarp moi Babilon tatame wahtaip 70. *Mat 12.17, Apo 7.43.* Nato tup Wusyep Tas Nal Halhale (*Revelesen*) bop 14.8 topo e 1Pi 5.13 pe, tinge jalme Babilon, kom tinge yanange wusyep tapimbilme nenge nal me Rom.

Balam – Kin profet tikin Got. Ņup ende pe, lenge wachaih lenge Israel, moi tinge Moap. Kiņ lenge Moap tinge jalme Balak. Balak ņasande ņaiye Balam, profet lenge Israel ka isilihme Got tinge no, ka ende yumbun lenge Israel no, ņupe ņaiye kiņ Balak ka enge lenge

ka yurmbe topo e lenge Israel pe, ka yenge-lyembe lenge. Nendeheyeh pe, Balam garnge, kom kin plihe ηoiheryembe ηaiye ka el moi tikin Balak. Nup ηaiye kin nal yanah pe, walip hla tikin Got si gan ηahwikin tatme yanah ηaiye ka el. Yuwor donki ηaiye Balam narp nanah no, kin nal pe, ti weteke e walip hla pe, ti gwarngē ηaiye ta wil. Nup ηaiye Balam nonombe ηututusme ηaiye ta wil pe, yuwor donki gwarngē ηaiye ta wil pe, ti wanange wusyep walme Balam. Balam yukur ka ende yumbune lenge miye tuweinge lenge Israel ta e na, kin sisysteme Got nungwisme tinge. Nato Tup tikin Kontrak Ambaran (*New Testament*) ηaiye tinge yainge pe, Balak kin wachaih tikin miye tuweinge Balam, kom Balam wim lal me wuhyau pe, kin nupwai e wusyep ηaiye ka guhilyeh topo e Balak. Nam 22.5-35, Rev 2.14.

Bali – Bali topo e wit pe, ki ta e bundenge sep (*rais*). Miye tuweinge yenge ηesep kin yende kakah, kom kakah ηaiye tinge yenge bali yende pe, ki sikirp tuwihme kakah ηaiye tinge yenge wit yende.

Belsebul – Nan tikin yipihinge pupwa ende ηaiye tititinge Filistain pe, moi tinge sai si-heime Israel pe, tinge yabra e nan kin. Nan umbur kin tinge jalme Satan. Kin miye ondoh lenge yipihinge pupwa.

Benjamin – Jekop, talah miye kin syepumbur umbur hoi. Benjamin kin talah yuwu Jekop, topo e kin loumwah ende titinge bamtihei syepumbur umbur hoi lenge Juta. Apo

13.21, Rom 11.1, Flp 3.5, Rev 7.8.

Dewit – Kin kin titinge lenge miye tuweinge Israel. Kin talah yuwo tikin Jesi pe, wah ηendehei kin ηaiye ka bepeteme worsip yai kin. Nup ende pe, kin nal narmbe topo e miye gamare wondohe embere. Naη kin Goliat pe, kin sokoloh tatame 3 mita pe, Dewit ηonombe kin nule.

Dewit kin miye ηaiye ηende nihararme Got ηembere sekete. Kin nainge wenersep wula wula ηaiye ηahra e naη tikin Got. Wenersep uku tinge jalme Tup Wenersep (*Psalms*).

Bamtihei Dewit pe, ki neηel e nenge nate gere Jisas ηupe ηaiye mam wara e kin. *Rom 1.3, Rev 22.16*. Somo somohonme nenge nat pe, tinge yanange wusyep me Jisas Kraiss, kin Miye nungwisme ηaiye Got ka ember ot bamtihei tikin kin Dewit.

Elaija – Kin profet ηembere tikin Got. Mat 11.14, Mak 9.4, Rom 11.2, Jms 5.17.

Elisa – Kin profet ende ηaiye ηeteke e Naman. Luk 4.27.

Ende hwap/ende pupwa – Nupe ηaiye miye ηuwor e wusyep erneme tikin Got pe, luku kin ηende hwap o, kin ηende pupwa. Naiye nal ηembep tikin miye pe, hwap uku ki ηembere lakai malaih, kom nal ηembep tikin Got pe, ki ηahilyeh lalme.

Farisi – Lenge Farisi, tinge yenge naη embere jah bumble me lenge Juta. Tinge jah ilyeh topo e lenge jetmam tikin wusyep erneme. Tinge sisysteme wusyep erneme ηaiye Got naηa e Moses, topo e wusyep erneme sye tinge yeηel e

yal topo e. Tinge jate bip tinge ƚoiheriyembe nange tinge bwore supule tahar e lenge mitin sye . Tinge miye ƚaiye yuwor e mut hoi, topo e tinge sasambe nange tinge bwore mi supule, kom ƚoiheriyembe tinge pupwa supule. Lenge Farisi pe, tinge jonombai e Jisas, topo e tinge jetete kin yal ƚaiye ka yonombe.

Fero – Kin kin lenge Isip pe, tinge jalme wah kin Fero, kom tinge ilyeh ilyeh yarpe nan tititinge. (*Wusyep Inglis Pharaoh*), Apo 7.10,13,21, Rom 9.17, Hib 11.24.

Grik – Moi embere tikin kantri Grik tinge jalme Atens pe, moi embere Korin sai nato kantri Grik. Lenge miye tuweinge Grik pe, tinge yamba e sande teke e embere pe, tinge yamba e nan embere. Lenge miye tuweinge wula yanange wusyep ƚimeser Grik ƚupe ƚaiye Jisas teter narp kekep e e pe, lenge miye tuweinge sande teke e lalme yanange wusyep Grik. Nendehei tinge yainge Tup Kontrak Ambaran (*New Testament*) yate tas ƚaiye wusyep ƚimeser Grik.

Hagar – Ti tuwei wah titi Sara ƚaiye tuwei tikin Abraham. ƚupe ƚaiye Sara yukur wara e talah pe, ti waname Hagar ƚaiye ta wite topo e Abraham pe, Hagar wara e lahmiye ende tinge jalme Ismael. Ismael yukur talah miye ƚaiye Got si nupwai e wusyep ƚaiye ka an a e Abraham, topo e Ismael yukur namba e ƚaimune ƚaiye Got nupwai e wusyep ƚaiye ka angang lenge ƚambaih talah tikin Abraham. Gal 4.24-25.

Wahtaip wula wula si nal mi e pe, Sara titi

wara e Aisak. Kin talah ηaiye Got si nupwai e wusyep ηaiye ka angange Abraham hindi Sara. Nup ηaiye Sara si wara e Aisak mi e pe, ti wahra e tuhwar topo e Hagar pe, ti gwarng e wal pe, ti wal warp sehei me hwate Sainai. Hwate luku mindemboi pe, Got ka gilme Moses inime wusyep, topo e ka aηa e wusyep erηeme syepumbur umbur. Ta e luku pe, wusyep ηaiye ηanange me Hagar sai nato Galesia 4.22-25 ηanange nange Hagar ti tuwei wah pakaiye, ti walaηatme lenge miye tuweinge ηaiye ta e miye wah pakaiye me wusyep erηeme tikin Got. Detale, tinge ηoiheryembe nange ηaiye miye ende ka gunde wusyep erηeme tikin Got lalme pe, Got ka amba e kin tu e miye bwore bwarme. Tinge yukur jande wusyep upwai e tikin Got no, Got ka amba e tinge tu e ηaiye miye bwore bwarme.

Haiten – Tinge yukur miye tuweinge Juta. Lenge Juta tinge yahra e naη tititinge. Detale, Got si nalaηatme tinge miye tuweinge kin, yukur miye tuweinge moi ηoinde.

Herot – Nato Tup Kontrak Ambaran pe, miye hoye hoye ilyeh ilyeh tongonose tinge jal lenge Herot.

1)

Kiη Herot miye borenge. Kin kiη lenge Juta ηupe ηaiye Maria wara e Jisas pe, kin de ka onombe Jisas ηup uku. *Mat 2.1-22, Luk 1.5.*

2)

Herot Antipas kin bepeteme distrik Galili ηupe ηaiye Jisas ηanange nalaηatme wusyep bwore tikin Got, topo e kin ηende wah mirakel. Somohon kin ηosoihme Herodias, tuwei to kin

pe, kin nenge ti. Nup uku kin notombo wonge Jon tikin Baptais. Tinge yenge Jisas yalme Herot ηaiye ka ende wusyep me kin. Mak 6.14-29, Luk 23.6-12.

3)

Kin Herot Agripa ηilyeh pe, kin nongomb lenge miye tuweinge ηaiye jande Jisas ηupe ηaiye sios tahar ηendehei. Kin ηonombe Jems ηaiye to tikin Jon. Apo 12.1-23.

4)

Kin Herot Agripa hoi pe, kin miye ηaiye narpe wusyep me Pol mi e pe, kin nember Pol nal Rom ηaiye ka gin wusyep el ηembep Sisa Apo 25.13-26, 26.19,27-32.

Lenge

Hibru – Tinge jalme tinge Juta. Tinge ηambaih talah tikin Abraham pe, wusyep ηimeser tinge Hibru. Wusyep sye na eteke e sai nal Israel.

Hisop – Kin peperiyeh ende ηaiye tinge yenyer ya jah yele wim lakai pinip ηaiye yangalai ya yanah yende mi me miye ηaiye ka bwore bwarme el ηembep tikin Got. Jon 19.29. Yipihinge tikin hisop sai nato Hib 9.19.

Hwan embere/ sopo embere (wusyep Inglis dragon) Dragon – Ki ta e sopo ηembere ηaiye tikin pupwa yehe supule. Ki ta e hwan ηaiye bongol supule. Dragon pe, kin namba e luh Satan, miye ondoh lenge yipihinge pupwa. Rev 12.3-13.4.

Imbilme ηoihmbwaip/osme pupwa – Wusyep tehei uku pe,

a) Miye ηeteke e ηaiye kin si ηende hwap.

b) Kin n̄anange n̄aiye ka osme hwap n̄aiye kin si n̄ende pe, ka ende gunde n̄aiye Got n̄asande.

c) Kin n̄isilihme Got n̄aiye ka osme hwap n̄aiye kin si n̄ende.

Isip – Ki kantri embere ende n̄aiye sai sehei me Israel. Lenge miye tuweinge Israel yende wah mwahupwai e yarp Isip tatame wahtaip 400. Apo 7.34-38.

Iso – N̄up ende tuwei Aisak wara e lahmiye hoi. Tinge jal lenge Iso hindi Jekop. Iso kin talah endehei, kom Jekop n̄ende mih marp narp pe, Iso nase syipsyap nat. O nimbot n̄onombe kin n̄embere sekete pe, kin n̄isilihme Jekop n̄aiye ka an̄a e mih marp ka ono e. Kom Jekop n̄aname na, “N̄aiye na ininge bwore mise nange na pule yitini nin n̄aiye ta e talah ondohe pe, se ma yule mih marp.” Pe Iso n̄aname na, “Hei, bwore mise se ma yule.” Pe Iso nan̄a e yitini luku nalme Jekop n̄aiye kin nan̄a e mih marp. Rom 9.13, Hib 11.20, 12.16-17.

Israel – Got nan̄a e nan̄ uku nal me Jekop. Pe kin talah Aisak hindi tuwei kin Rebeka. Lenge n̄ambaih talah Israel pe, tinge jal lenge nan̄ wula wula. Tinge jal lenge miye tuweinge Israel mi e pe, tinge plihe jal lenge Juta, topo e tinge jal lenge Hibru. Moi n̄aiye lenge Israel yarp pe, moi uku Israel. Somohon tinge jalme Kenan, kom tukwini nan̄ umbur e kin tinge jalme Palestain.

Iv – Miye ti Adam. N̄up n̄aiye Got n̄ende kekep topo e n̄aitem mi e pe, kin n̄ende Adam n̄endehei. Mi e pe, kin kete melseh Adam pe, kin n̄ende Iv. Iv ti wasande wusyep hwan̄ Satan,

ηaiye kin hombo e yehme ti pe, ti wono lousep ηaiye Got si syep ern^{eme} tinge hindi ηaiye yukur ka yono. Ti waņa e Adam lousep sye pe, kin ηono. Tinge hindi miye tuweinge ηendehei ηaiye yengelyembe wusyep ern^{eme} tikin Got, topo e tahar ηup ηendehei uku nenge nate gere tukwini le e pe, lenge miye tuweinge kekep lalme yende hwap. 2Ko 11.13, 1Ti 2.13.

Adam hindi Iv yara e lahmiye hun, Kein, Abel topo e Set.

Jekop – Nan umbur kin Israel. Talah kin 12. Tinge mwanka lenge bamtihei 12 lenge Israel.

Jeremaia – Kin profet tikin Got. Kin ηanange ηai e ηai e wula wula ηaiye ka tus me ηup tikin Kraisa, Miye nungwisme ηaiye Got si ηanange ka ember ot. Mat 2.17, 16.14, 27.9.

Jetalah (wusyep Inglis disciple) – Tinge lenge miye tuweinge ηaiye jande Jisas pe, ηoihmbwaip tinge teņeime Jisas pe, tinge yasande wusyep kin, topo e tinge yende jande. Nato Tup Aposel pe, wusyep ηoinde ηaiye tinge jalme tinge ‘lenge miye tuweinge ηaiye jande Jisas’, topo e ‘lenge to tatai’, topo e ‘lahmende ηaiye ηoihmbwaip tinge teņeime kin’. Tup Matyu 10.1-4, Mak 3.13-19, Luk 6.12-16, Jon pe, Jisas nalanatme lenge jetalah 12 kin ηaiye ka junde kin, topo e ka yurp topo e kin pe, kin nember tinge ya tas ta e aposel lakai walip kin. Mat 10.1-4.

Jisas – Wusyep tehei Jisas pe, ‘kin Miye nungwisme’ topo e ‘Got kin Miye nungwisme poi’. Nan sye ηaiye Got nan e Jisas pe, ‘Jisas Kraisa’, ‘Talah tikin Got’, ‘Talah tikin Miye’

topo e ‘Talah tikin Dewit’.

Jona – Kin profet tikin Got. Nup ende pe, Got nember Jona ηaiye ka el moi embere Ninive ηaiye ka ininge alana^{atme} wusyep bwore tikin Got el lenge miye tuweinge. Kom Jona garnge plai nanah loubil pinip pe, kin nal moinde. Nup ηaiye kin narp nanah loubil pinip pe, Got nember ηisih topo e yohe bembelye me ηembere nat. Lenge miye tuweinge ηaiye yarp loubil pinip uku tinge sisyme na, tehei sai Jona ti, ηisih topo e yohe bembelye me luku ηembere sekete pe, tinge yarpe Jona yiche kin ya jah ηoloh pinip. Pe ηuyo ηembere kumbur e kin pe, kin tahai nato tapam mele e ηuyo tatame ηup hun. Mi e pe, ηuyo ware kin wa wanah ηoloh sah. Ta e luku pe, Jona ηasande wusyep Got pe, kin nal Ninive na ηanange nalan^{atme} wusyep Got nal lenge miye tuweinge. *Mat 12.39-41, 16.4, Luk 11.29-32.*

Josep – Lenge miye wula wula ηaiye nan tinge Josep sai nato tup Wusyep Bwore tikin Got.

1) Lenge talah miye tikin Jekop ηaiye syepumbur umbur hoi pe, tinge loubwah tinge lenge Israel. O ηoinde tinge luku pe, kin Josep. Kin to tikin Benjamin. *Apo 7.9-14, Jon 4.5, Hib 11.21-22, Rev 7.8.*

2) Josep ηoinde pe, miye titi Maria.

3) Josep ηoinde pe, to tikin Jisas. *Mat 13.55, Mak 6.3.*

4) Josep ηoinde pe, to tikin Jems. *Mat 27.56, Mak 15.40,47.*

5) Josep tikin Arimatea kin miye lowe, topo e

kin miye ondoh ende titinge lenge sisinge woroh Juta. Kin miye bwore ηaiye gande Jisas Krai. *Mat 27.57-60, Mak 15.42-46, Luk 23.50-53, Jon 19.38-42.*

6) Josep Barsabas kin miye ηaiye gande Jisas Krai no, kin narp topo e kin. Nup ηaiye tinge de ka yalanatme aposel ende ηaiye ka amba e luh Judas pe, tinge yalanatme Josep topo e Matias pe, tinge jate tup hun yal pe, Matias yohe. *Apo 1.23.*

7) Barnabas, nan umbur kin Josep pe, kin wah ilyeh tikin Pol. *Apo 4.36,13-14.*

Joshua – Njupe ηaiye **Moses nule pe, Joshua namba e luh kin ta e miye ondoh lenge Israel. Kin nenge lenge nato kekep Kenan ηaiye somohon Got si nupwai e wusyep ηaiye ka angang lenge. Tinge yongombe kukwam lenge miye tuweinge ηaiye yarp uku. Joshua nowor e kekep nangang lenge bamtihei Israel ilyeh ilyeh tongonose, kut lenge Livai pe, tinge pakai. Detale, tinge yende wah pris. Joshua kin miye ondoh embere pe, kin bongol ηaiye lenge miye tuweinge ka junde Got topo e ηoihmbwaip ilyeh pe, ki ηanange na, “Nam topo e lenge miye tuweinge ηam pe, poi ya lalme gunde Got.” *Apo 7.45, Hib 4.8.***

Juta – Kin talah miye ende tikin Jekop ηaiye ηambaih talah tikin Abraham. Somoho somohonme tinge jalme bamtihei tikin Juta ηaiye yarp kekep Juta pe, tinge Juta. Tukwini tinge jal lenge miye tuweinge lalme Israel ηaiye tinge Juta. Moi embere Jerusalem sai nato provins Juta. Maria wara e Jisas Krai wa woto bamtihei Juta.

Kamel – Ki η ahilyeh ta e hos η aiye tinge yikirh miye tuweinge topo e η ai e η ai e. η up sye tinge yenge kamel waih yende hihiyilih. *Mat 3.4, Mak 10.25, Luk 18.25*. Yipihinge kin sai nal tup *Mat 19.24*.

Kein – Kin talah ondohe lenge Adam hindi Iv. Kin η oihmbwaip pupwa me to kin η aiye tinge jalme Abel. Tehei kin ta e le e, Got η asande ofa Abel η aiye kin nenge yuwor sip η ende. Kut Got garnge ofa Kein η aiye kin nenge nyen hau η ende. Ta e luku pe, Kein η onombe Abel nule. Hwap ta e luku tas pe, Got η aname Kein η aiye ka ende yuwor yuwor el moiye moiye pe, lenge miye tuweinge ka jirnge kin. *Hib 11.4, 1Jo 3.12, Jut 11*.

Kenan – Ki nanj tikin kekep η aiye Got nupwai e wusyep η aiye ka angang lenge miye tuweinge Israel tu e η aiye kekep tinge. Tukwini kekep uku tinge jalme Israel. Nanj umbur e kin tinge jalme Palestain. *Apo 7.11, 13.19*.

Kontrak – Na eteke e wusyep upwai e.

Krais – Nanj *Krais* natme wusyep η imeser titinge lenge Grik. Wusyep Hibrui tinge jalme *Krais Mesaia*. Mesaia pe, wusyep η imeser titinge lenge Juta. Wusyep tehei Mesaia ta e le e, 'miye η aiye tinge yuru e pinip winye jah kin'. Luku ta e η aiye somohon η upe η aiye Got nalanatme miye ende η aiye ka tuhur kin lenge Juta pe, tinge yuru e pinip winye jah η ondoh kin ta e η aiye wutu η aiye kin si kin tinge. Got si nupwai e wusyep η aiye ka ember 'miye alanatme' ka ote ungwisme lenge miye

tuweinge kin, topo e ka enge lemame ŋaiye Got bepeteme ot. Miye uku Kraiss, kin miye ŋaiye Got si nalaŋatme pe, kin nember kin nat.

Kristen – Wusyep tehei Kristen ta e le e, lenge miye tuweinge ŋaiye jande Kraiss. Apo 26.28, 1Pi 4.16.

Livai – Kin talah 12 ende tikin Jekop ŋaiye mwanka 12 titinge Israel. Lenge ŋambaih talah Livai pe, Got si nalaŋatme tinge ŋaiye ka yende wah tikin Got yi yoto yukoh yirise. Aron kin ŋambaih talah ende tikin Livai pe, lenge ŋambaih talah tikin Aron tinge yende wah pris. Hib 7.5,9-10, Rev 7.7.

Jetalah ende tikin Jisas Kraiss kin Livai, naŋ umbur kin Matyu. *Mat 9.9-13, Mak 2.14, Luk 5.27-29.*

Lot – Talah tikin Haran ŋaiye to tikin Abraham. Nupe ŋaiye Abraham na nahai e moi ambaran ŋaiye Got si nupwai e wusyep ŋaiye ka aŋa e kin pe, Lot nal topo e kin. Nupe ŋaiye tinge ya yoto moi uku pe, Lot kin na narpe moi Sodom. Lenge miye tuweinge Sodom pe, tinge yende ŋai e ŋai e ŋaiye tikin pupwa yehe supule. Tehei kin uku ti, Got ŋanange ka ende yumbune moi uku. Kom Got nember walip hla ende na ŋaname Lot ŋaiye ka osme moi uku pe, walip hla ŋana lenge na, “Nupe ŋaiye pa yil, yukur pa bep bunjenge yil moi uku!” Lot topo e lenge tuweinge talah kin yasme moi uku pe, Got nesekeh moi uku, kom tuwei Lot plihe bep wal moi uku pe, ti wimbilme wal ta e ŋeser tihir. Luk 17.28-32, 2Pi 2.7.

Loutuŋwarmbe – Naiye miye ende ka ende

ηainde pupwa supule tu e ηaiye ka onombe miye ende ka ole, lakai ka ende ηendei me ηai e ηai e miye ende pe, lenge Rom ka yuluwei kin yil loutungwarmbe ka ole. Tinge yenge lou rop hoi ηaiye tinge yende loutungwarmbe pe, tinge yendere sehau yal hipsyep kin yal lou, lakai tinge yenge mwah yupwai e ηhip syep kin yal lou. Mi e pe, tinge yahra e loutungwarmbe luku yanah dilndil sai hla pe, tinge yasme miye uku ten̄ei loutungwarmbe na tatame ηaiye kin nule. Miye ηaiye tinge yuluwei yal loutungwarmbe pe, kin namba e nihe syohe embere sekete na tatame ηaiye kin nule, topo e kin namba e hi e ηembere sekete.

Luh Holi ηaiye Holi Supule – Nato dininde tikin yukoh yirise ηaiye tinge yember ηai e ηai e holi tikin Got ηanar pe, pris ondoh ilyeh nato luh uku wahtaip ilyeh ilyeh. ηaiyuwat embere ten̄ei tatme kohmap ηaiye ya yoto Luh Holi luku ηaiye Holi Supule. ηaiyuwat uku ki ηowor nanah hla nate gere gah mondom ηupe ηaiye Jisas nule. *Mat 27.51, Mak 15.38, Luk 23.45.* Luku ki sasambe nange ηup uku pe, Got kumbur ηahwikin me lenge miye tuweinge ηaiye ka yi yoto Luh Holi ηaiye Holi Supule luku ηupe ηaiye ηoihmbwaip tinge ka ten̄eime Jisas Kraiss. *Hib 9.3-25.*

Mana – Yerkeime ηupe ηaiye lenge miye tuweinge Israel yasme Isip pe, tinge yonyor me moi gungurar ya tatame wahtaip 40. ηup uku pe, Got nangange lenge ηai ηaiye tinge yono. ηai uku tinge jalme mana. ηai uku pe, ki nase moi hla gah kekep ηup ilyeh ilyeh

pe, lenge miye tuweinge ya yamba e ηai uku yono, kut ηup Sabat pe, pakai. Wusyep ηaiye ηanange mana pe, tinge yainge sai nato tup *Jon 6.31,49, Hib 9.4, Rev 2.17, Kis 16.13-36.*

Melkisedek – Poi yukur sisyeme bworerme Melkisedek, kom tinge yainge wusyep kin sai nato tup Hibrū bop 5 nal bop 7. Kom nato tup Genesis 14.17-20 pe, ki ηanange ta e le e: “Nup ende pe, lenge wachaih yat pe, tinge syep yarpe Lot, yuruwai tikin Abraham, topo e lenge tuweinge talah, topo e tinge yamba e ηai e ηai e kin lalme. Pe Abraham nal narmbe topo e lenge wachaih uku pe, kin nengelyembe lenge pe, kin namba e Lot, topo e ηai e ηai e kin lalme. Nup ηaiye Abraham plihe nase narmbe nat pe, kin titinihme Melkisedek ηanar yanah. Melkisedek naηa e kakah topo e pinip wain nalme Abraham pe, kin ηende mi mi me kin. Abraham naηa e namba 10 hap ηai e ηai e kin ηaiye kin si na narmbe no, kin namba e nenge nat pe, kin naηa e nalme Melkisedek. ηai ta e luku ηaiye Abraham ηende pe, lenge miye tuweinge Israel tahar pe, tinge yende jande ηaiye tinge yanηa e namba 10 hap ηai e ηai e tinge yal lenge pris.” Ta e luku pe, nato tup Hibrū pe, ki ηanange na, Melkisedek kin pris topo e. *Hib bop 5-7.*

Wahtaip wula si nal mi e pe, Got ηanange na, “Pris ηaiye ka yalanatme pe, ka ot me bamtihei Livai.” Kom ηupe ηaiye Melkisedek nate gereme Abraham pe, lenge Livai ηaiye bamtihei talah tikin Abraham pe, teter mam yukur wara lenge,

pakai. Luku tehei ηaiye tup tikin Hibru ηanange ηaiye Abraham naηa e Melkisedek namba 10 hap ηai e ηai e kin pe, luku ki ta e ηaiye lenge pris lalme nato bantihei Livai tinge yaηa e namba 10 hap tinge. Detale, mindemboi ka lalme tuhur ηambaih talah tikin Abraham.

Miye nungwisme – Jisas kumbur ηahwikin me lenge miye tuweinge ηaiye ka tupwaihme nihe syohe ηaiye tinge ka yamba e. Detale, Jisas si nule berme pupwa lenge miye tuweinge lalme pe, Got si nasmē pupwa lahmende ηaiye ηoihmbwaip tinge tenjeime Jisas no, kin ηeteke e tinge si bwore bwarme.

Moi yilihe (*wusyep Inglis paradise*) – Tehei moi yilihe, wah ηaiye tikin mi yilihe supule. Lenge miye tuweinge jal moi yilihe nato wah Iden ηaiye Got nember Adam hindi Iv yarp ηendeheyeh ηaiye Got ηende kekep e e. Nato Tup Kontrak Ambaran ki ηanange moi yilihe pe, ki seheiye ta e moi hla ηaiye tikin moi yilihe ηaiye lahmende miye tuweinge ηoihmbwaip tinge tenjeime Jisas Krai no, ηupe ηaiye ka yule pe, tinge ka yil moi uku. *Luk 23.43, 2Ko 12.3, Rev 2.7.*

Moses – Kin miye ondoh embere lenge miye tuweinge Israel. Nup ηaiye lenge miye tuweinge Israel yarp mwahupwai e yal Isip pe, Got nalaηatme Moses ηaiye ka el la ungwisme lenge no, ka tus yusme Isip, kut ka yil kekep ηaiye kin nalaηatme ηaiye ka angang lenge. Got nalaηatme Moses nal yaηah ηoinde tikin. Moses ηeteke e nih riri sai lou malaih ende, kom nih

yukur ŋono lou uku, pakai. Pe kin sisysteme Got narp nato luh uku. Pe Got ŋaname kin na, “Ŋam si malaŋatme nin ŋaiye na el la ungwisme lenge miye tuweinge plihe enge lenge el moi tinge.”

Got ŋende mirakel embere embere tas syep Moses. Ŋup ende ŋaiye lenge miye tuweinge Isip kukwame lenge miye tuweinge Israel pe, tinge yate jere ŋoloh pinip embere ŋaiye tinge jalme Ŋoloh Pinip Yaihe. Pe Got nupwai e pinip ŋaiye ka owe pe, pinip tahar sisil nal umbur umbur pe, ki tahar sai ta e lem pe, lenge miye tuweinge jah yerŋe yal kekep gungurar. Ŋup ŋaiye tinge yerŋe ya yanah umbur pe, lenge miye wondoh Isip jah de ka yerŋe, kom pinip plihe nawe nate gahilyeh tatme tinge pe, tinge yono e pinip pe, tinge yule lalme.

Got nangange wusyep erŋeme kin nalme lenge miye tuweinge Israel. Tinge ya jere moi gungurar pe, Moses nanah hwate Sainai na la orp ŋaiye ka ininge wusyep topo e Got. Got ŋasambe kitikin nalme Moses pe, kin ŋaname Moses me wusyep erŋeme kitikin. Got nainge wusyep erŋeme syepumbur umbur kitikin nanah ŋeser hoi. Ŋeser uku pe, tinge yember yanar yal luh tase nato Wurmbu Kontrak. Topo e tinge yainge wusyep uku nal Tup syepumbur tikin Moses: *Genesis, Exodus, Leviticus, Numbers pe Deuteronomy, o Stat, Kisim Bek, Wok Pris, Namba, Lo.*

Ninive – Moi ŋaiye Got nember Jona nal ŋaiye ka ininge wusyep tikin Got. Wusyep Got sai ta e le e, kin de ka ende yumbune moi uku. Detale, tinge yende ŋai e ŋai e pupwa

yehe supule. Njupe ŋaiye tinge yasande wusyep tikin Got pe, tinge yilil pe, tinge yimbilme ŋoihmbwaip. Ta e luku pe, Got nasme pupwa tinge pe, yukur kin ŋende yumbune tinge. Mat 12.41, Luk 11.32.

Noa — Njupe ŋaiye Got ŋende miye endehei Adam no, ki nejel e nenge nat pe, bamtihei ŋaiye tahar Adam nate gere Noa pe, ki syepumbur hoye hoye. Njupe ŋaiye Noa narp pe, lenge miye tuweinge lalme kekep e e pe, tinge yende ŋai e ŋai e ŋaiye tikin pupwa yehe supule. Pe Got ŋanange ŋaiye ka ember pinip ka tule lenge miye tuweinge, topo e ŋai e ŋai e lalme kekep e e. Kom Noa pe, kin miye bwore bwarme supule pe, kin gande wusyep tikin Got. Ta e luku pe, Got ŋaname Noa ŋaiye ka ende loubil pinip embere pe, kin ŋaname gande ŋai e ŋai e ŋaiye ka ende. Got ŋaname ŋaiye ka amba e tuwei kin pe, lenge lahmiye kin hun, topo e lenge tuweinge tinge pe, ka yi yoto loubil pinip, topo e ka amba e yuwor tetehei lalme, topo e ŋinjet. Yuwor uku ka syepumbur hoi pe, ka tuhwim topo e nukup syepumbur hoi. Noa ŋasande wusyep Got pe, ki ŋende gande ŋaiye Got ŋanange. Mat 24.37-38, Luk 3.36, 17.26-27, Hib 11.7, 1Pi 3.20, 2Pi 2.5.

Njupe ŋaiye Noa nenge lenge mihin talah topo e tuwei kin si ya yoto loubil pinip pe, Got ŋember ŋisih embere nate gah pe, mih tembelem ŋembere nawe pe, pinip napara e hwate lalme. Miye tuweinge kekep lalme le e yono e pinip, kom Noa topo e bamtihei kin yarp. Wundehei wula wula nal mi e pe, pinip nerŋe ŋowor e na

gah pe, kekep sai. Pe Noa nenge lenge mihin talah topo e tuwei kin ya tas loubil pinip. Ta e luku pe, Noa nende ofa nalme Got hriphrip me kin n̄aiye kin si nungwisme tinge. Got nupwai e wusyep n̄aiye yukur ka plihe ember pinip tu e luku ot, pakai. Got n̄anange na, “Nuyul pe, luku wutu tikin wusyep upwai e n̄am n̄aiye yukur ma plihe member mih tembelem ka ende yumbune n̄ai e n̄ai e lalme.”

Neser **hendeinge (alta)** – Lenge Juta yesekeh yuwor yende ofa yalme Got yal yanah n̄eser hendeinge. Tinge yongombe lenge yuwor ta e worsip, meme topo e workau n̄aiye tinge yende ofa yalme Got. Hendeinge luku pe, tinge yenge n̄eser yende. Na eteke e n̄eser hendeinge sai nato tup *Mat 5.22*.

Neser **salpa** – Ki n̄eser sorpohe n̄aiye nih ilim tahar yirise, topo e misip kin naihe pupwa yehe. Tinge yenge yesekeh yende nihyeh n̄aiye yonorh ya yoto senesep. *Rev 9.17*.

Noloh **Pinip Yaihe**

– Noloh **Pinip Yaihe pe, ki sai bumbumbe Israel topo e Isip.**

Nup tikin Kakah N̄aiye **Yis Pakai** – Tehei kin ta e le e: N̄upe n̄aiye lenge Juta de ka yusme Isip no, ka yut pe, kakah n̄aiye tinge si yimbilme pe, yukur tatame n̄aiye ka yurp yeseperhme n̄aiye ka tenenem no, ka yesekeh, pakai. Pe luku tehei n̄aiye lenge Juta yono kakah n̄aiye yis pakai tatame n̄up syepumbur nato wahtaip ilyeh ilyeh.

Olip – Ki lou n̄aiye n̄esep ten̄ei. Lenge Juta

yenge lou sep olip yende pinip winye pe, tinge yende ηai topo e winye uku. Tinge yihyete jah dohwaih topo e ηai e ηai e sye . Winye uku pe, ki ηai embere sekete me lenge Juta. *Rom 11.17,24, Jms 3.12, Rev 11.4. Yipihinge ki sai Luk 16.6.*

Otombo wahri hi – Nato wusyep ernjeme lenge Juta pe, ηupe ηaiye mam wara e talah miye no, kin narp na tatame ηup syepumbur hun pe, tinge yina me wahri hi kin. Luku Got ηaname Abraham ηaiye ka yende junde tu e luku *Gen 17.9-14*. Yina me wahri hi pe, ki sasambe ηaiye miye uku tikin Juta. Nendeheiyeh kin ηaiye lenge miye yanange yalanatme wusyep bwore mise tikin Got pe, lenge miye tuweinge Juta sye yanange ta e le e, “Naiye miye yukur bamtihei Juta no, ki sande ka tuhur Kristen pe, ka yina me wahri hi kin yer ηendehei. Luku ka tu e wutu ηaiye ki sasambe nange kin si tahar Juta pe, luku ta e ηaiye kin tatame ka tuhur Kristen topo e.” Kom Pol yukur hriphrip me wusyep uku. Pe kin nainge tup nember nal lenge miye tuweinge Galesia, topo e nal lenge moi sye . Kin ηanange na, “Nahwikin ηesep ilyeh sai ηaiye miye ka ende no, ka tuhur Kristen. Nahwikin sep ilyeh uku pe, ηoihmbwaip lenge miye tuweinge ka tenjime Jisas Kraiss ilyeh si.”

Pasova – Kin ηup embere titinge lenge Juta. Wusyep tehei Pasova pe, usungurhme el. Nup uku pe, lenge Juta ηoiheryembe ηup ηaiye tinge tas yasme mwahupwai e nato moi Isip. Nup

uku pe, Got nember walip hla kin nat ηaiye kin nongomb lenge talah ondohe nato yukoh ilyeh ilyeh lenge Isip. Kom Got ηana lenge Juta na, “Nato yukoh yip ilyeh ilyeh pe, pa yonombe sipsip pe, pa yihyete yuwor wim yil tumwange miye ηaiye sai kohmap. Nup ηaiye walip hla ka eteke e wim pe, ka usungurhme yukoh yip pe, yukur ka onombe talah miye ondohe oto yukoh uku, pakai.” Luku tehei kin Pasova. Nato wahtaip ilyeh ilyeh pe, lenge Juta tinge yonombe worsip pe, tinge yende ηai ηaiye tinge jahilyeh yono. *Mat 26.2,5,17-19.*

Pentikos – Nup Pasova topo me ηup 50 nal mi e pe, lenge Juta jahilyeh. Tinge ηoiheryembe ηup ηaiye Got nanja e wusyep erneme nalme Moses ηanar hwate Sainai, ηaiye ka angang lenge miye tuweinge Juta, topo e ηup ηaiye wit gwinim no, tinge yotombo. *Apo 2.1, 16.20, 1Ko 16.8.*

Kom tukwini le e pe, ηup Pentikos pe, poi Kristen ηoiheryembe ηup ηaiye Yohe Yirise ηendehei nate gah lenge Kristen miye tuweinge ηaiye ηoihmbwaip tinge teņeime Jisas Krai *Apo 2.1-4.*

Pris – Lenge pris, tinge miye bumbe ηaiye tinge yalanatme lenge ηaiye yungwisme lenge Israel yende ofa yalme Got. Nato ηup tikin Jisas pe, tinge yende ofa ya yoto yukoh yirise nato Jerusalem. Lenge pris ηaiye tinge yalanatme pe, tinge tahar bantihei tikin Aron, topo e tinge ηambaih talah tititinge Livai.

Tinge lalme pris, kom nato mele me tinge pe, ηoinde kin ηondoh me tinge lalme. Pris ondoh uku pe, tinge yalanatme kin ηaiye ke ende wah

tu e pris onдох wahtaip ilyeh mi e pe, tinge plihe yalaᅇatme pris onдох ambaran ᅇoinde. Pris onдох ilyeh pe, kin nato yukoh yirise nato Luh Holi pe, kin ᅇende ofa nalme Got me hwap kin, topo e hwap lenge miye tuweinge ᅇaiye tinge si yende. Pris lalme luku, tinge yarp, kom sye tinge luku pe, somohon tinge yarp ta e pris onдох.

Profet — Kin miye ᅇaiye ᅇanange wusyep tikiᅇ Got. Kin namba e mut Got pe, kin ᅇanange wusyep nal lenge miye tuweinge. Got nalaᅇatme profet wula wula ta e Samuel, Aisaia, Jeremaia. Pe Got ᅇasambe tinge ᅇai e ᅇai e ᅇaiye mindemboi ka tus. Tinge yanange ᅇaiye Kraiᅇ ka ot, topo e ᅇai e ᅇai e wula wula ᅇaiye ka ende, topo e ᅇaimune ᅇaiye ka ende me kin. Topo e tinge yanange ᅇai e ᅇai e wula wula ᅇaiye ka tus ᅇup yuwo ᅇaiye ka ot kekep e e yer me ᅇaiye Jiᅇas Kraiᅇ ka plihe ot no, ka iyar e lenge miye tuweinge. Wahtaip wula wula nal pe, mam wara e Jiᅇas Kraiᅇ pe, luku lalme ka tus.

Rahap — Yerkeime lenge miye tuweinge Israel yekepe yaᅇah ᅇaiye ka yi yoto kekep ᅇaiye Got si ᅇanange nange ka angang lenge. Tinge yember lenge miye yul yal tase yal ᅇaiye ka yaᅇar kantri no, ka yeteke e yaᅇah ᅇaiye ka yongomb lenge no, ka yengelyembe lenge. Rahap ti tuwei ᅇaiye wende niᅇ pinip yar, kom ᅇup uku pe, ti warp moi uku. ᅇup ᅇaiye lenge miye Israel ᅇaiye yale yaᅇar moi yate jere luku pe, ti wungwis lenge, topo e ti winis lenge. Detale, ti ᅇoiᅇweryembe nange luku ᅇasande tikiᅇ Got ᅇaiye lenge miye tuweinge Israel ka yamba e kekep

uku. Ta e luku pe, tinge yukur yonomb Ra-hap. Kut tinge yongomb lenge miye tuweinge lalme yoto moi uku, kom ti pakai. Ti tuwei ilyeh η aiye tinge yainge sai nato tup Matyu 1.5 pe, ti ka tikin Jisas ende. *Hib 11.31, Jms 2.5.*

Rebeka – Ti tuwei Aisak, η aiye talah tikin Abraham. Ti wara e Jekop hindi Iso hoime. Iso pe, kin talah ondohe, kom Got nalanatme Jekop kin talah ondohe pe, lenge Juta lalme tinge yat bamtihei kin. Na eteke e wusyep sye me Iso sai nato tup uku.

Resel – Ti tuwei Jekop pe, kin η ende ni-hararme ti supule. Ti mam titinge Josep hindi Benjamin, topo e ti walanatme mam lenge Juta miye tuweinge lalme nato tup Mat 2.18.

Rom – Moi embere titinge kantri Itali. η upe η aiye Jisas narp kekep pe, lenge miye tuweinge Rom yengelyembe lenge moi wula wula. Tinge yengelyembe lenge Israel pe, tinge bepeteme lenge. Luku tehei η aiye lenge Israel tuhwar me tinge no, tinge de ka kukwame lenge yi tus yusme moi tinge. Kin titinge Rom kin Sisa. Kin kin miye bongol η aiye bepeteme kekep lalme le e. Kin nengelyembe lenge miye on-doh lalme.

Sabat – η up Sabat pe, ki η up embere. Nato tup Genesis pe, ki η anange η aiye nato η up syepumbur ilyeh pe, Got η ende kekep topo e η ai e η ai e lalme. η up syepumbur hoi pe, kin namba e yohe. Detale, wah kin mi e ko. Got η anange na, “Lenge miye tuweinge ka yende wah η up syepumbur ilyeh kut, η up syepumbur hoi pe, ka yamba e yohe pe, ka yahra e nan

Got.”

Lenge Juta pe, wusyep erneme tinge me nup Sabat wula wula. Tinge yanange na, “Miye tuweinge yukur ka yende wah ende yoto nup uku, na pakai.” Topo e tinge tuhwar nembere sekete naiye miye tuweinge ka yuwor e wusyep erneme luku. Pe tehei kin naiye tinge tuhwar me Jisas nende mi me miye wahri epwa noto nup Sabat, topo e nup e naiye lenge jetalah tikin Jisas yemberehe wit sep sye yono yoto nup tikin Sabat. Lenge miye sye tikin Juta yanange nange luku tinge si yende wah pe, luku tinge yende hwap.

Sadyusi – Tinge miye bamtihei njoinde naiye yarp bumbe me lenge Juta. Tinge yangange sande teke e yal lenge miye tuweinge naiye ka junde wusyep erneme naiye Got nanja e Moses, topo e ka junde nai e nai e njimeser lenge Juta. Tinge nahilyeh ta e lenge Farisi. Kom nyermbe nyermbe tinge teketenge wusyep topo e lenge Farisi. Tehei ki ta e le e, lenge Farisi yanange nange nup e naiye miye nule pe, kin plihe tahar narp wimun, kom lenge Sadyusi yanange nange pakai.

Sainai – Ki hwate naiye Moses nate narp no, Got nanja e wusyep erneme kin nalme Moses.

Saion – Nanj tikin hwate ende naiye tinge yende moi Jerusalem. Yukoh yirise sai nanah hwate luku, topo e moi uku pe, ki moi yirise supule. Nup sye nanj Saion tinge jal yapara e moi embere Jerusalem. Nup sye tinge jal nanj Saion lakai Jerusalem yenge yal moihla . Luku ki tapimbilme moi naiye Got narp. *Mat 21.5,*

Jon 12.15, Rom 9.33, Hib 12.22, Rev 14.1.

Samaria – Ki provins ende. Lenge Samaria tinge yukur Juta bwore mise. Detale, yerkeime pe, tinge dindi yale yat yotop lenge miye tuweinge η_{aiye} yukur Juta, pakai. Lenge Juta bwore mise jarnge lenge Samaria, topo e tinge teketenge wusyep yotop tinge me moi η_{aiye} ka yahra e naη tikin Got.

Samuel – Kin miye ondoh embere lenge miye tuweinge, topo e profet embere ende. Kin η_{uru} e pinip winye gah η_{ondoh} Dewit no, kin tahar kin lenge Israel. *Apo 3.24, 13.20, Hib 11.32.*

Sara – Ti tuwei tikin Abraham. Ti gwan pakaiye wahtaip wula wula, kom ti wara e Aisak η_{upe} η_{aiye} ti si muye. *Rom 4.19, 9.9.*

Satan – Kin miye ondoh lenge yipihinge pupwa. Kin wachaih tikin Got. Kin hombo e yeh topo e bunjenge η_{oihmbwaip} lenge miye tuweinge η_{aiye} ka yende pupwa. Lenge miye tuweinge η_{aiye} η_{oihmbwaip} tinge ten_{eime} Jisas pe, Satan η_{ahra} e η_{oihmbwaip} tinge η_{aiye} ka η_{oiheryembe} η_{ai} e η_{ai} e pupwa η_{aiye} somohon tinge yende, topo e ka η_{oiheryembe} nange Got yukur nasme pupwa tinge. Tinge jalme Satan naη hoi, η_{oinde} miye pupwa, η_{oinde} kin kin lenge kekep lalme.

Sisa – Lenge miye tuweinge Rom pe, tinge jal miye ondoh tititinge Sisa. Lenge Rom yarmbe wondoh pe, tinge yengelyembe lenge moi wula wula. Sisa kin miye ondoh me tinge lalme.

Sodom – Naη tikin moi η_{aiye} Lot narp.

Moi n̄oinde n̄aiye **sai sehei me pe, tinge jalme Gomora. Lenge miye tuweinge Sodom topo e Gomora pe, tinge yende n̄ai e n̄ai e n̄aiye tikin pupwa yehe supule. Tehei uku ti, Got nesekeh moi uku. *Mat 10.15, 11.23-24, Luk 17.29, Rev 11.8.***

Solomon – Kin talah tikin Dewit. Kin kiŋ lenge miye tuweinge Israel. N̄up ende pe, kin nate tange n̄aiye Got natme kin. Got n̄isilihme kin n̄aimune n̄aiye kin n̄asande ka aŋa e. Solomon n̄isilihme Got n̄aiye ka aŋa e sande teke e n̄aiye ka bepeteme lenge miye tuweinge bworerme. Got naŋa e Solomon sande teke e embere n̄aiye tahar e kiŋ lalme. Got naŋa e Solomon n̄ai e n̄ai e embere embere sekete pe, kin miye lowe. *Mat 1.6-7, 6.29, 12.42, Luk 11.31, 12.27.*

Solomon kin miye n̄endehei n̄aiye guhur e yukoh yirise n̄endehei tikin Got. Yukoh uku namba e luh yukoh sel n̄aiye lenge Juta nye nyermbe jahilyeh yahra e naŋ tikin Got. Yukoh yirise luku pe, tikin mi yilihe supule.

Talah tikin Miye – Yerkeime pe, profet ende, naŋ kin Daniel pe, kin gal naŋ Talah tikin Miye nalme Miye nungwisme n̄aiye Got ka ember ka ot no, ka ungwisme lenge miye tuweinge n̄aiye yende hwap. Wusyep sye me Talah tikin Miye pe, na eteke e sai tuwihme Krai. Jisas n̄anange me naŋ uku nalme kitikin. N̄up n̄aiye Jisas gal kitikin nange kin Talah tikin Miye pe, luku ki n̄anange n̄aiye kin miye n̄aiye Got nember kin nat, topo me kin namba e bongol natme Got. Kin n̄ahilyeh ta e poi miye hi, kom kin Got.

Tup Wenersep (*Psalms*) – Tup ηaiye yahra e nanj tikin Got. Kin Dewit topo e lenge mitinj sye yainge wenersep e e ηaiye sasambe nange tinge yende nihararme Got, topo e tinge yirisukwarme kin.

Walip hla (*ensel*) – Tinge miye mut tikin Got ηaiye yarp ya yoto moihla, topo e tinge jan ηembep tikin Got. Lenge walip hla uku tinge yukur ta e poi miye kekep, pakai. Tinge yipihinge. Tinge yukur na eteke e sai ηaiye ka yut halhale. Got nember lenge walip hla ηaiye ka yende wah kin. Wah tinge pe, ka bepeteme lenge miye tuweinge tikin Got. Nup sye Got nember lenge yat ηaiye ka yininge wusyep Got yil lenge miye sye. *Apo 12.6-11, 27.23.*

Worsip (*sipsip*) – Nup tikin Jisas pe, lenge miye Juta wula wula bepeteme sipsip.

a) Nup uku pe, miye ilyeh, kin bepteme worsip wula wula. Yukur tinge yarp yoto moi ilyehme, pakai. Tinge yenge lenge ya tas sipsyap yal luh ηaiye peperiyeh sai no, ka yono.

b) Lenge miye sye yarp uku ya yoto sipsyap bepeteme lenge worsip tinge. Tinge sisyeme worsip tinge bworerme. Tinge bep yernenge lenge ilyeh ilyeh tongonose.

c) Miye ηaiye bepeteme worsip pe, ka ere lem oyor me luh ηaiye ka yurp. Nup pe, ka bepeteme lenge yurp yi yoto luku no, yukur ηainde ka ende yumbun lenge. Miye ηaiye bepeteme worsip pe, kin ka ete kohmap. Nup sye pe, miye endei se ka ende bongol ηaiye ka e unuh tahar e lem e oto ende ηendei me worsip. Yipihinge tikin lem uku na eteke e sai Jon 10.7.

d) Lenge Juta pe, tinge yenge worsip yende ofa yalme Got. Tinge jalme Kraiss Worsip tikin Got.

Worsip Talah tikin Got – Jon tikin Baptais galme Jisas Worsip Talah tikin Got pe, wusyep uku sai nato Jon 1.29,36. Lenge Juta pe, tinge yesekeh worsip yende ofa yalme Got, ηaiye kin ka osme pupwa tinge. Wim worsip ki ηende tinge bwore bwarme nalme ηembep tikin Got. Jisas Kraiss naja e kitikin nal ηaiye ηende ofa me poi ηaiye nongohe pupwa poi mi e pe, tinge jalme Jisas Worsip Talah tikin Got.

Wusyep erηeme tikin Got ηaiye kin naja e Moses me lenge miye tuweinge pe, tinge yainge sai nato tup syepumbur nato Baibel (Stt, Kis, Wkp, Nam, Lo).

Wusyep upwai e ηendehei/Kontrak ηendehei – Kontrak pe, miye hoi yupwai e wusyep jah bumbe me tinge hindi. Nup ηaiye miye ende nupwai e wusyep pe, kin ka ende ηainde me kin. Naiye wusyep upwai e tikin Got pe, kitikin Got nupwai e wusyep ηaiye kin ka Yai topo e Lahmborenge lenge miye tuweinge kin ηaiye ka junde kin. Kontrak ηaiye Got nupwai e pe, ki hoi.

Kontrak ηendehei pe, kin nupwai e wusyep topo e Moses. Got ηanange nange ηaiye lah-mende ka junde wusyep erηeme kin pe, kin ka amba e tinge tu e ηaiye miye tuweinge kin. Kom yukur miye ende gande wusyep erηeme kin supule, pakai. Pe yukur miye ende bwore bwarme nal ηembep tikin Got gande wusyep erηeme ηendehei kin. *Luk 1.72, Apo 3.25, 7.8, Gal*

3.17, *Hib 9.1.*

Wusyep upwai e hoi/ Kontrak hoi (Mat 26.28, Mak 14.24, Luk 22.20, Rom 11.27, 1Ko 11.25, 2Ko 3.6, Hib 7.22, 8.6-13, 9.15, 10.16,29, 12.24, 13.20.) – Kontrak hoi kin pe, Got ŋanange na, ŋupe ŋaiye miye ende ŋoihmbwaip kin ka teŋeime Jisas Kraiss pe, kin se ka amba e kin tu e ŋaiye miye bwore bwarme pe, luku ta e ŋaiye yukur kin ŋende hwap, topo e ŋowor e wusyep erneme kin.

Yipihinge pupwa – Tingge miye wah tikin Satan. Tingge de ka yende yumbune lengge miye tuweinge no, ka yengelyembe wusyep tikin Got, kut ka junde Satan. Lengge miye sye ŋaiye jumbur kohmap me Satan lakai yipihinge pupwa nato pe, Satan gahanahme tingge.

Yohe Yirise – Le e yipihinge tikin Got ŋaiye tingge jalme Yohe Yirise. Yohe yirise tikin Got narp nato lengge miye tuweinge ŋaiye ŋoihmbwaip tingge teŋeime Jisas Kraiss. Wah ŋaiye kin ŋende pe, ki ta e le e:

a) Kin ŋende lengge miye tuweinge sisyeme ŋaimune ŋaiye ki mise. *Jon 16.13, 1Ko 2.10-13.*

b) Kin namba e luh lengge miye tuweinge ŋaiye ŋoihmbwaip tingge teŋeime Jisas Kraiss pe, kin ŋanange wusyep topo me Got. *Rom 8.26.*

c) Kin bepeteme lengge miye tuweinge ŋaiye tingge ka sisyeme yanah tikin Got. *Apo 13.2, 16.6-7.*

d) Kin nangange bongol ŋaiye tingge yanange yalanatme wusyep mise tikin Got, topo e tingge yende wah kin. *1Ko 2.4-5.*

e) Kin nangange bongol nal lengge miye

tuweinge ilyeh ilyeh ηaiye ka junde ηai e ηai e ηaiye ka ende bongolme sios. *1Ko 2.4-5.*

Yukoh jahilyeh (*synagogue*) – Nato moi lenge Juta pe, yukoh jahilyeh sai moi ilyeh ilyeh tongonose. Yukoh uku pe, lenge miye tuweinge jahilyeh yarp wusyep, topo e tinge jahilyeh ηaiye ηup ηembere Sabat. Nato yukoh uku pe, tinge jonose wusyep tikin Got, topo e tinge yende sande teke e me lenge miye tuweinge me wusyep erneme, topo e tinge yisilihme Got, topo e tinge yirisukwarme Got. Nup sye tinge yarpe wusyep kot me lenge miye tuweinge ya yoto yukoh uku.

Yukoh sel yilihe (*tabernacle*) – Nupe ηaiye lenge miye tuweinge Israel yoyor me jan moi gungurar pe, Got ηaname Moses ηaiye ka ende yukoh sel ηoinde tikin. Got ηaname kin gande ηaimune ηaiye ka enge ende pe, ka enge ηaiyuwat yilihe sye topo e lenge yuwor hi sye ende. Nato yukoh sel uku pe, tinge yember Wurmbu Kontrak, topo e ηeser hoi ηaiye Got nange wusyep erneme kin, topo e ηai e ηai e sye tikin Got. Lenge Juta yahra e naη tikin Got ya yoto yukoh sel yilihe luku, topo e tinge yende ofa yalme Got na tatame ηupe ηaiye Solomon ηende yukoh yirise tikin Got. Yipihinge tikin yukoh sel sai Tup Aposel 7.44.

Yukoh yirise (*temple*) – Yukoh yirise tikin Got sai nato Jerusalem ηaiye moi embere titinge lenge Israel. Luku yukoh ηaiye lenge miye Juta jate jahilyeh ηup embere embere yende wenersep yahra e naη tikin Got, topo e

**tinge jahilyeh ᵇ_{up} embere, topo e tinge yende
ofa me Got. Lenge miye tuweinge ᵇ_{aiye} yukur
Juta pe, tinge ka jin tus wicher ᵇ_{aiye} nato lem
mele e, kom yukur ka yi yoto dininde.**

Wusyep Bwore tikin Got
The New Testament in the Urat language of Papua New
Guinea

Nupela Testamen long tok ples Urat long Niugini

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26